

BOŠNJAČKA STRANKA

STUDIJA SLUČAJA

Razlike u iskazanim prihodima u konsolidovanim izvještajima

Bošnjačka stranka nije pravovremeno prijavila vrijednost vozila od 45 hiljada eura dobijenog kao poklon u 2023. godini, već je to učinila tek u izvještaju za 2024. Međutim, ni u tom izvještaju ga ne prikazuje u Bilansu uspjeha, već samo u zbirnom izvještaju.

Bilansi uspjeha za 2021. i 2022. godinu pokazuju po nekoliko hiljada eura različite iznose prihoda nego što su navedeni u drugim djelovima konsolidovanih izvještaja.

Vozilo vrijedno 45 hiljada eura koje je BS dobila na poklon u toku 2023., ta partija je propustila da prikaže u svojim konsolidovanim izvještajima za tu godinu.

Na to joj je ukazala Državna revizorska institucija [1], pa je BS u konsolidovanom izvještaju za 2024. godinu iskazala taj prihod. Međutim, on je naveden samo u zbirnom izvještaju o prihodima, a ne i u Bilansu uspjeha.

Pored toga, Bilans uspjeha ne sadrži ni druge ostale prihode koji su navedeni u Podacima o prihodima koji su sastavni dio konsolidovanog izvještaja.

Umjesto toga, u Bilansu se navodi da uopšte nema ostalih prihoda.

[1] Strana 5 izvještaja o reviziji Godišnjeg konsolidovanog finansijskog izvještaja BS za 2023. godinu dostupnog na:
<https://www.dri.co.me/doc/Izvje%C5%A1taj%20o%20reviziji%20Godi%C5%A1njeg%20konsolidovanog%20finansijskog%20izvje%C5%A1taja%20Bo%C5%A1nja%C4%8Dke%20stranke%20za%202023.%20godinu.pdf>.

NAZIV POLITIČKOG SUBJEKTA BOŠNJAČKA STRANKA
SJEDIŠTE POLITIČKOG SUBJEKTA ROŽAJE

ISKAZ O UKUPNOM REZULTATU /BILANS USPJEHA

u periodu od 01.01.2022 god do 31.12.2022.godine

POZICIJA	Red. broj	Napomena broj	Iznos	
			Tekutagodina	Prethodnagodina
I	2	3	4	5
I POSLOVNI PRIHODI (202 do 207)	201		500987,09	459565,59
1. Prihodi iz budžeta Crne Gore	202		344965,54	317564,98
2. Prihodi iz budžeta lokalne samouprave	203		116573,53	115340,73
3. Prihodi od priloga	204			
4. Prihodi od članarina	205		39445,02	26202,88
5. Prihodi od legata	206			
6. Ostali poslovni prihodi	207			457,00

Slika 8: Prihodi od lokalne samouprave iskazani u Bilansu uspjeha BS za 2022. godinu
Izvor: Konsolidovani izvještaj Bošnjačke stranke za 2022. godinu

STUDIJA SLUČAJA

Donacije i amortizacija u ostalim troškovima

Analiza ostalih troškova Bošnjačke stranke pokazuje značajne iznose pomoći i donacija koje partija dodjeljuje svake godine, sa izrazitim trendom rasta. U 2024. godini prvi put se pojavljuju i novi oblici pomoći kao što su donacije nevladinim i humanitarnim organizacijama, kao i troškovi nabavke robe za dijeljenje pomoći.

Posebno problematično je evidentiranje amortizacije unutar ostalih troškova za 2024. godinu, što predstavlja značajnu računovodstvenu nepravilnost i može dovesti do pogrešnog predstavljanja stvarne finansijske situacije partije.

U okviru kategorije ostalih troškova BS prikazuje razne troškove:

- U 2021. godini su to uglavnom pomoći i donacije koje partija daje od preko 160 hiljada eura i ostali troškovi od oko 40 hiljada,
- U 2022. su ponovo pomoći i donacije od preko 160 hiljada eura i ostali troškovi od skoro 90 hiljada,
- U 2023. imaju skoro 240 hiljada eura pomoći, oko 45 hiljada eura troškovi reprezentacije, oko 15 hiljada eura dnevničica, oko 12 hiljada eura službenih putovanja i drugih troškova, dok je sam iznos ostalih troškova vrlo mali,
- U 2024. pomoć iznosi preko 340 hiljada eura, a po prvi put se pominju i troškovi nabavke robe koja se dijeli kao pomoć od skoro 12 hiljada eura, tu su i troškovi donacija NVO i humanitarnim organizacijama od skoro 24 hiljade eura i ostale grupe troškova.

STUDIJA SLUČAJA

Razlika od 164 hiljade eura u prikazanim rashodima za 2021. godinu

Analiza finansijskih izvještaja pokazuje razliku od oko 164 hiljade eura između rashoda navedenih u Bilansu uspjeha i onih prikazanih u Zbirnom izvještaju za 2021. godinu.

U Bilansu uspjeha za 2021. godinu se navodi da je ukupan iznos rashoda 286.779 eura, dok troškovi amortizacije i rezervisanja iznose 8.154 eura. Dakle, stvarni novčani rashodi partije iznose 278.625 eura.

Međutim, u Zbirnom izvještaju o prihodima i rashodima navodi se da je ukupan iznos rashoda te godine bio 442.943 eura, odnosno 164.318 eura više nego što su iskazani u Bilansu uspjeha.

STUDIJA SLUČAJA

***Razlika od oko 170 hiljada eura
u prikazanim rashodima za 2022. godinu***

Analiza finansijskih izvještaja pokazuje razliku od oko 170 hiljada eura između rashoda navedenih u Bilansu uspjeha i onih prikazanih u Zbirnom izvještaju za 2022. godinu.

U Bilansu uspjeha za 2022. godinu se navodi da je ukupan iznos rashoda 395.799 eura, dok troškovi amortizacije iznose 8.039 eura. Dakle, stvarni novčani rashodi partije iznose 387.760 eura.

Međutim, u Zbirnom izvještaju o prihodima i rashodima navodi se da je ukupan iznos rashoda te godine bio 557.506 eura, odnosno 169.746 eura više nego što je iskazano u Bilansu uspjeha.

STUDIJA SLUČAJA

Razlike i greške u prikazivanju rashoda u konsolidovanom izvještaju za 2023.

Analiza izvještaja Bošnjačke stranke za 2023. godinu pokazuje značajne razlike između Zbirnog izvještaja i pojedinačnih tabela rashoda. Troškovi zarada i naknada u Zbirnom izvještaju prikazani su oko 40 hiljada eura niže u odnosu na stvarne tabelarne prikaze. S druge strane, za ostale troškove je prikazano oko 40 hiljada eura više u Zbirnom izvještaju nego u tabelama. Dodatno, troškovi promocije rada i međunarodnih aktivnosti, oba u iznosu od 20.411 eura, su pogrešno ili rotirano iskazani.

U Zbirnom izvještaju je navedeno da su troškovi nastali po osnovu isplate zarada i ostalih naknada u 2023. godini bili 134.296 eura.

Rashodi političkog subjekta	Iznos (u €)
1. Troškovi nastali prilikom kupovine nepokretnе imovine	0
2. Troškovi zakupa prostorija za rad	39014,00
3. Režijski troškovi	7347,03
4. Troškovi nabavke i održavanja opreme/pokretne imovine	15154,84
5. Troškovi nastali prilikom uzimanja u zakup pokretne imovine	0
6. Troškovi nastali po osnovu finansiranja izborne kampanje	62228,63
7. Troškovi nastali po osnovu isplate zarada i ostalih naknada	134296,08
8. Troškovi nastali po osnovu kupovine kancelarijskog i drugog materijala za redovan rad	10418,23
9. Troškovi organizacija sastanaka i dogadaja	70280,12
10. Troškovi promocije rada i ciljeva političkih subjekata između izbora	20411,40
11. Troškovi međunarodnih aktivnosti političkih subjekata	0
12. Troškovi organizovanja obuka za članove i aktiviste	0
13. Troškovi istraživanja javnog mnjenja	0
14. Ostali troškovi nastali po osnovu redovnog rada političkih subjekata	383024,19
B. Ukupni rashodi (1+2+3+4+5+6+7+8+9+10+11+12+13+14)	742174,52

Slika 17: Podaci o iznosima troškova zarada i ostalih naknada, kao i ostalih troškova iskazanih u Zbirnom izvještaju o prihodima i rashodima BS za 2023. godinu
Izvor: Konsolidovani izvještaj Bošnjačke stranke za 2023. godinu

Takođe, u Sumarnom izvještaju je iskazan trošak **promocije rada političkih subjekata između izbora** od 20.411 eura, dok u tabelarnom prikazu nema troškova u toj kategoriji.

3.10. TROŠKOVI PROMOCIJE RADA I CILJEVA POLITIČKIH SUBJEKATA IZMEĐU IZBORA						
Vrsta medija	Ime i prezime / naziv pružaoca usluge	JMB/PIB	Datum izdavanja ugovora (računa/izgazi vi)	Datum plaćanja	Datum/period emitovanja/reklamiranja	Ukupni troškovi (u €)
Ukupno:						

Slika 20: Troškovi promocije rada i ciljeva političkih subjekata izmedju izbora BS za 2023. godinu
Izvor: Konsolidovani izvještaj Bošnjačke stranke za 2023. godinu,
Podaci o rashodima političkog subjekta

Međutim, u Zbirnom izvještaju je navedeno da su troškovi međunarodnih aktivnosti političkih subjekata bili jednaki nuli, a oni u tabelama iznose 20.411 eura, pa su vjerovatno iznosi ovih stavki u Zbirnom izvještaju rotirani.

3.11. TROŠKOVI MEĐUNARODNIH AKTIVNOSTI POLITIČKIH SUBJEKATA				
Vrsta aktivnosti	Datum aktivnosti	Mjesto događaja	Datum plaćanja	Ukupni troškovi (u €)
Troškovi sl.putovanja – Inostranstvo				1035,00
Troškovi avio karti				15300,10
Troškovi smještaja				4076,30
Ukupno:				20411,40

Slika 21: Troškovi međunarodnih aktivnosti političkog subjekta BS za 2023. godinu
Izvor: Konsolidovani izvještaj Bošnjačke stranke za 2023. godinu,
Podaci o rashodima političkog subjekta